



臺灣國家圖書館, NATIONAL CENTRAL LIBRARY, TAIWAN, R.O.C.

乾隆三十八年十一月浙江巡
撫三寶送到吳興縣家藏
官爵志壹部
計書壹本

官爵志卷之一

封建

尚書疏曰黃帝分州畫野得百里之國萬區唐虞列為五等此封建之始也禮制文嘉曰殷爵三等周五等或謂黃帝立五等也

品秩

自太昊以龍紀官唐虞建官能百未分品秩周官以九儀正邦國自一命至九命漢自中二千石止二百石魏

嘉興徐石麒虞求輯



臺灣國家圖書館, NATIONAL CENTRAL LIBRARY, TAIWAN, R.O.C.

陳群立九品官人之法北齊九品各分正從 國朝正
一品太師太傅太保從一品少師少傅少保太子太師
太傅太保正二品太子少師少傅少保正三品太子賓
客不專授但為大臣如官兼官及贈官其餘官品俱見
內外官職中

入流

通典曰隋制九品自太師始焉謂之流內 國朝正從
一品至九品謂之入流即流內也

未入流

通典曰唐有流外勳品目諸錄事及五省內史始為
國朝九品之外雜職官員謂之未入流即流外也

文散官

漢諸侯有功德優盛朝廷所敬異者賜位特進三公下
隋文帝以為散官今正一品初進授特進榮祿大夫陞
授特進光祿大夫漢有光祿大夫今從一品初授榮祿
大夫陞授光祿大夫正二品初授資善大夫陞授資政
大夫加授資德大夫宋太宗改通議為通奉今從二品
初授中奉大夫陞授通奉大夫加授正奉大夫隋散官

有通議正議大夫今正三品初授嘉議大夫陞授通議
大夫加授正議大夫秦有中大夫大中大夫今從三品
初授亞中大夫陞授中大夫加授大中大夫正四品初
授中順大夫陞授中憲大夫加授中議大夫清散官有
朝議朝請今從四品初授朝列大夫陞授朝議大夫加
授朝請大夫唐有奉議郎今正五品初授奉議大夫陞
授奉政大夫從五品初授奉訓大夫陞授奉直大夫正
六品初授承直郎陞授承德郎隋有承務郎宣德郎今
從六品初授承務郎陞授儒出身儒林郎吏才幹出身
宣德郎唐有宣義郎宋有承事郎今正七品初授承事
郎陞授儒出身文林郎吏才幹出身宣義郎隋有徵仕
郎今從七品初授從仕郎陞授徵仕郎正八品初授迪
功郎陞授修職郎從八品初授迪功佐郎陞授修職佐
郎正九品陞初授將仕郎陞授登仕郎從九品初授將
仕佐郎陞授登仕佐郎初授散官俱于三年之後照例
陞授其加贈考驗本人生前功績合得加授者照例給
與

武散官

周禮天子六軍軍萬二千五百人其將皆命卿蓋在國
稱大夫在軍稱將軍晉獻公作三軍而公將上軍故
有將軍之名命為散官正從一品同文官正二品初授
驃騎將軍陞授金吾將軍加授龍虎將軍從二品初授
鎮國將軍陞授定國將軍加授奉國將軍正三品初授
昭勇將軍陞授昭毅將軍加授昭武將軍從三品初授
懷遠將軍陞授定遠將軍加授安遠將軍正四品初授
明威將軍陞授宣威將軍加授廣威將軍從四品初授
宣武將軍陞授顯武將軍加授信武將軍正五品初授

武德將軍陞授武節將軍從五品初授武畧將軍陞授
武毅將軍正六品初授昭信校尉陞授承信校尉從六
品初授忠顯校尉陞授忠武校尉

文勳

周禮王功曰勳庶梁始有勳品本酬戰士其後漸及與
流楚寵官有上柱國唐以為勳官今正一品左右柱國
從一品柱國正二品正治上卿從二品正治卿正三品
資治尹從三品資治少尹正四品贊治尹從四品贊治
少尹正五品修正度尹從五品協正度尹凡文官一品

至五品應令授勳者照依散官定擬奏聞給授

武勳

後魏有柱國大將軍命正從一品同文勳秦有護軍都尉唐改上大將軍並上護軍大將軍為護軍今正二品上護軍從二品護軍漢武帝置輕車將軍唐置上輕車都尉及輕車都尉今正三品上輕車都尉從三品輕車都尉漢武帝置騎都尉唐置上騎都尉今正四品上騎都尉從四品騎都尉隋置文散官為騎飛雲武四騎尉今正五品騎騎尉從五品飛騎尉正六品雲騎尉從六品武騎尉凡武官一品至六品應令授勳者照依散官定擬奏聞給授

封贈

武王堯商追王太王王季故後代有追謚追尊之典而漢遠令人臣亦有追贈之制漢宣帝恩張賀掖庭收養封恩德侯此追封之始也 國朝凡文官一品贈二代二品三品二代四品至七品一代各照見授職事依例封贈上官無封贈及祖例止給本人誥勅一品玉軸四軸二品犀軸三品抹金軸俱三軸四品抹金軸五六七

品俱角軸二軸五品已上授誥織用五色紵絲其前織
文曰奉天誥命用制誥之寶六七品授勅織用純白紵
其前織文曰奉天勅命用勅命之寶俱用升降龍文左
右盤繞正從一品曾祖母祖母母妻各封贈一品夫人
正從二品祖母妻各封贈夫人正從三品各封贈淑
人正從四品母妻各封贈恭人正從五品宜人正從六
品安人正從七品孺人曾祖母加太字按漢霍蒙母
師氏通經學有家言王莽寵以殊休賜號義成夫人如
淳云列侯子復為列侯母稱太夫人蓋漢制也

宗室祿米

親王唐制歲該米四千八百石絹四千八百疋綿四百
五十斤宋制領節度使歲該穀二千四百石錢四千八
百貫絹二百疋綾一百疋羅十疋綿五百兩今定米一
萬石郡王唐制歲該米七百石田六十頃宋制領觀察
使歲該米一千二百石錢二千四百貫絹二十疋綿五
十兩今定米二千石鎮國將軍唐制歲該米六百石田
五十頃宋制郡王以下量材授官照官品高下給祿
今定米一千石輔國將軍唐制歲該米五百石田四十

頃今定米八百石奉國將軍唐制歲該米四百石田二十五頃今定米六百石鎮國中尉唐制歲該米三百石田十四頃今定米四百石輔國中尉唐制歲該米三百石田八頃今定米三百石奉國中尉唐制歲該米一百石今定米二百石公主及駙馬食祿二千石郎主及儀賓食祿八百石縣主及儀賓食祿六百石郡君及儀賓食祿米四百石縣君及儀賓食祿米二百石俱米鈔兼支

公侯伯俸給

漢文止秦大侯不過萬家小者五六百戶則封國以戶也唐封公侯無國土其加實封者則食其所封之戶分食諸郡以租庸調給洪武初給官田量原定糧租分數收取後令公侯伯皆給祿米論功定數舊賜田還官永樂二年令照文武官例米鈔兼支

文武官俸給

唐正元四年定百官月俸倍昭之亂國用空闕天祐中止給其半後唐孔誥以軍儲不充請減半數而支實錢宋定非真職皆一分實錢二分折支大明定文武官

俸正一品月支米八十七石從一品月支米七十四石
正二品月支米六十一石從二品月支米四十八石正
三品月支米三十五石從三品月支米二十六石正四
品月支米二十四石從四品月支米二十一石正五品
月支米十六石從五品月支米十四石正六品月支米
十石從六品月支米八石正七品月支米七石五斗從
七品月支米七石正八品月支米六石五斗從八品月
支米六石正九品月支米五石五斗從九品月支米五
石俱米鈔兼支米入流月支米三石

吏員俸米

筆譚曰天下吏人素無常祿惟以受贓為生熙寧三年
始制天下吏祿而設重法以絕請託 國朝五府提控
六部都察院都吏布政司吏月支二石五斗五府掾吏
六部都察院通政司太常光祿太僕寺應天順天府布
政司都司衛各令史大理寺胥吏同子監鴻臚寺府庫
司司政局顏料局各府各司吏都察院太醫院各典吏
按察司監運司各書吏月支二石五府六部大理光祿
太僕寺同子監應天順天府布政按察監運都司衛各

典吏十三道巡按各書吏翰林院光祿寺各署欽天監
司曆太常祠祭署織染皮作鑄印惠民雜造鞍轡軍器
抄紙印鈔室源局內府庫石炭關各牧監會同館室鈔
監課龍江提舉司典牧營膳宰牧宰牲紀善典膳奉祠
典室審理工正良醫典儀理問千戶所五城兵馬布政
按察監運斷事衛鎮撫長史同州縣各司吏月支一石
供米鈔並支

廕叙

書阜陶梅鼎曰賞延于世則廕叙自有虞氏始也漢二
千石以上視事滿三歲得任同產若子一人為郎國
初因前代任子之制文武一品至七品皆廕子一人以
世其祿成化三年奏准在京三品以上官聽令一人送
國子監讀書出身若大臣果有勲勞于國出自特恩錄
用于孫者不在此限

鬻官

沿革曰鬻爵賣官三代無有起于秦漢之權利通典曰
漢文帝納晁錯言令人入粟六百石爵上造萬二千石
為大庶長漢武帝國用空竭募人入奴婢終身以為郎

聖帝懸鴻榜開賣官路

試職

書曰明試以功唐武后凡舉人無賢不肖咸加擢拜大
置試官宋神宗改官制有行試守三等試未正命也潛
高官卑稱行階卑高官稱守 國初凡在京初入仕者
試職一年御史試職半年考堪實授

會推

國朝進退大臣皆出于宸斷成化間始有吏部會官推
舉之例其指遂歸于內閣

考滿

辭典三載考績三載陟幽明宋朝以考定勞一歲為
考四考而遷 國朝京官歷俸三年五品以下從監察
御史考覈吏部覆考各似九年通考四品以上任滿點
陟取自 上裁三年考滿給由到部亦定以九年一通
考

休沐

史記李園事春申君謁歸故失期則假告已見于戰國
漢律吏得五日一休沐言休息以洗沐也唐永徽三年

以天下無虞百司務簡每至旬假許不視事以寬百僚
休沐然則休沐始于漢其以旬休始于唐也 國朝正
旦節放假五日冬至三日元宵十日

詒宿

宋朝館閣每夜輪一人直宿如有故不宿則虛其夜謂
之詒宿詒宿不得過五日即須入宿若遇詒宿不到直
宿曆書腹肚不安故相傳為宿肚曆

致仕

書曰伊尹既復政厥辟告歸于王註謂云告老致政事
于君此臣下致仕之初也自周乃有大夫七十致仕之
禮

策免

漢成帝策免大司馬許嘉此策免大臣之始

德政碑

陸龜蒙有曰古者懸而寔用木書之以表其功德因留
之不忍去碑之名由是而得自秦漢以降生有功德政
事者亦碑之而易之以石失其稱矣此德政有碑之起
也

主祠

漢于公為縣吏曹決獄平郡中為立生祠自三代以來
無生為立祠者至此始見其事

戒石銘

元另有
戒石銘

錄冬稿曰今之戒石四字銘爾俸薄祿民膏民脂下民
易虐上天難欺舊傳乃宋太宗書以賜諸郡縣者其辭
則摘蜀王孟昶之文也自是天下始有戒石亭考歐陽
集古錄稱唐明皇撰命一百六十三人賜以丁寧之戒
其後天下為縣者皆以新戒刻石又知戒石不自宋始
蓋唐已有之特不見其辭耳

官爵志卷之二

嘉興徐石麒虞求輯

宗人府

周有宗正漢置官以序九族國初置大宗正院洪武二十二年改院為府設宗人令左右宗正左右宗人俱正一品首領官經歷司經歷正五品職專玉牒譜系之事初以親王領府事後但以勳戚大臣掌之而不備官

六部

國初因元制置中書省設左右丞相等官天下政事皆
由之而出其屬有四部分治錢穀祀儀刑名營造之務
洪武元年始定吏戶禮兵刑工六部俱正三品衙門仍
屬中書省十三年中書省革陞六部尚書為正二品左
右侍郎二員正三品首領官司務廳司務從九品屬官
郎中一員正五品員外郎一員從五品主事正六品按
秦少府遣吏四人在殿中主簿書謂之尚書漢光武始
分尚書為六曹秦以郎為內侍故曰侍郎隋煬帝于六
曹各置侍郎一人秦以郎侍衛居中故曰郎中隋文帝
于尚書二十四司各置員外郎一人謂本員之外復置
郎也後魏于尚書諸司置主事今史隋煬帝但曰主事
皆吏長之名也

吏部

漢成帝置常侍曹光武改為吏部今尚書即周天官卿
也侍郎即周少宰也所屬有四清吏司曰文選因隋選
部今掌天下文吏班秩品命曰驗封因唐司封今掌邦
之封爵曰稽勳因周司勳今掌邦國官人之勳級曰考
功因魏考功今掌文職官吏考課

戶部

吳有戶部今尚書即周之所謂地官卿也侍郎周之
小司徒也首領官照磨所照磨一員正八品檢校一員
正九品所屬隋曰民部魏曰度支金部金部今改為浙
江江西湖廣陝西廣東廣西山東山西福建河南四川
雲南貴州十三清吏司各掌一布政司戶口錢糧仍量
繁簡帶管五隸州縣每司內分民度金倉四科以領其
事

太倉

秦漢大司農屬官有太倉令丞唐玄宗以監察御史充
太倉出納使梁改曰如京使取詩如坻如京之義今屬
戶部尚書員外郎主之

戶部所屬

實鈔提舉司提舉一員正八品實鈔廣惠庫收各處解
到鈔錢廣積收約絲綾羅疋黃等物詔罰庫收籍沒官
民家財追沒官吏贖物并錢鈔紵絲綾羅紳緝縐縐鐵
皮綿布衣服花絨等物甲字庫收布疋顏料乙字庫收
紵絲綿布疋襖袴鞋毛襪等物丙字庫收綿花絲綿等

物丁字庫收銅鐵皮張蘇木等物戊字庫收軍器胡椒
等物各大使正九品各副使從九品室盈庫收紵絲紗
羅綾綿細絹布疋等物御馬倉南京龍江鹽倉檢校批
驗所張家灣檢校批驗所抄紙局印鈔局各大使副使
俱未入流

禮部

漢成帝置客曹隋為禮部今尚書即周春官大宗伯卿
也侍郎即周小宗伯也所屬有四清吏司曰儀制因魏
儀曹今掌舉其儀制而辨其名數曰祠祭因晉祠部今
掌祭饗天文漏山國忌廟諱卜筮醫藥道佛之事曰主
客因周官甸掌諸蕃朝賀等事曰精膳因比齊膳部今
掌邦國牲牢酒膳辨其品數

禮部所屬

鑄印局大使一員副使一員俱未入流教坊司唐高祖
置內教坊武后改為雲韶府以中官為使宋以伶人久
次者為之今設奉養一員正九品左右部舞左右司樂
各二員俱從九品

兵部

魏置五兵階為兵部今尚書即周夏官大司馬卿也侍郎即小司馬也所屬有四清吏司曰武選同魏五部郎曹今掌天下武職班秩品命職方因周官今掌天下地圖及城隍鎮戍烽堠之政曰車駕因魏駕部今掌邦國輦車及天下傳驛既收曰武庫因魏庫部今掌邦國戎器儀仗辨其出入之數

兵部所屬

會同館大使一員正九品副使二員從九品南京典牧所提領一員正八品大使一員正九品典史一員大勝

閩大使一員副使一員俱未入流

刑部

宋置都官階為刑部今尚書即周秋官大司寇卿也侍郎即周小司寇也照唐檢校品與戶同司獄司司獄六員從九品所屬古萬有四曰憲部比部司門部都官部今改為浙江等十三清吏司各掌一布政司刑名仍量繁簡帶管直隸州縣并在京衙門每司分憲比司門都官四科以領其事

工部

晉有起部隋為工部今尚書即周冬官大司空卿也侍
郎即周小司空也所屬有四清吏目曰營膳今掌經營
興造象務曰虞衡因周禮虞衡之官今掌天下山澤而
辨其時禁曰都水因隋水部今掌天下陂池川瀆政令
曰屯田因晉今掌天下屯種政令

工部所屬

營膳所所正正七品所副正八品所丞正九品文思院
唐有文思院宋始掌工巧之事以時文思索故工作之
所號之織染所皮作局顏料局鞞密局宝源局大使俱
正九品副使軍器局大使俱從九品副使未入流大通
閏提舉司龍江提舉司提舉俱正八品副提舉俱正九
品典史相分竹木局大使副使俱未入流

御史院

周官有御史秦有御史大夫漢御史有臺中丞以其別
在殿中掌蘭臺秘書外督部刺史內領侍御史北齊後
周不置大夫而以中丞為臺主唐分為左右臺大夫漢
武帝始有侍御史魏文帝始遣御史居殿中隋文帝始
有監察御史宋為御史臺其屬有三院一日臺院知雜

御史為侍御史隸焉二曰殿院言事官為殿中侍御史隸焉三曰察院考察官為監察御史隸焉國初置御史臺後改為都察院設左右都御史正二品左右副都御史正三品左右僉都御史正四品職專糾劾百司辨明冤枉提督各道及一應不公不法事首領官經歷正六品都事正七品照磨檢校各一員司務二員司獄六員品同戶刑其屬浙江等十三道監察御史正七品凡遇刑名各照道分送問察卷

御史差委

國朝宣德二年差御史各處清軍天順二年奏准三年更替正統元年差御史提督南北直隸奉校三年差御史巡視監課十三年差御史巡視京城化成三年差御史于陝西巡茶一年更代凡差委御史出巡追問審理刷卷等事都御史具事自請旨點差

巡撫

永樂間遣尚書侍郎少卿守官鎮守景泰間因與巡按不相統屬難以行事遂定為都御史巡撫兼軍務事者加總督管理掌糧餉事者加總督兼理他如整飭邊備

提督邊圉及撫治流民等項者皆隨事異名若邊境有事又有總督提督總制叅贊、理及經略巡視之名近例尚書侍郎治事于外者兼都御史以便行事、畢而罷

通政使司

唐虞納言官也今通政使正三品左右通政使正四品左右叅議正五品職專司出納帝命通達下情閱防諸司出入公文奏報四方臣民實封建言陳情伸訴以及于軍情教急災異等事首領官經歷正七品知事正八

品

大理寺

黃帝立後上辨乎北方故為李理官也舜令皋陶作士士理官也秦置廷尉漢因之景帝復為大理取天官貴人之字曰大理之義梁為秋卿後魏置少卿晉置丞唐因之今卿正三品左右少卿正四品左右寺丞正五品首領官司務從九品其屬左右二寺左右寺正正六品而秦廷尉正也左右寺副從六品左右評事正七品因隋官也職專審錄天下刑名凡刑部都察院司道罪有

出入者依律照故事有冤枉者推事辨明

太常寺

周禮春官職也秦曰奉常王者旌旗畫日月大亭則建以行祀官主奉持之漢改曰太常尊大之義也後漢有少卿秦有丞今卿正三品少卿正四品寺丞正六品職專祭祀之事首領典簿正七品因漢官也屬官博士正七品因秦官也協律郎正八品因後魏也贊禮郎正九品因漢治禮郎也司樂從九品神樂觀提點正六品知現從八品犧牲所吏目從九品隋有郊社令漢

文帝有籍田今唐有陵臺今今天地壇山川壇籍田考陵長陵獻陵景陵裕陵茂陵各祠祭署奉祠各一員俱從七品祠丞各一員俱從八品

鴻臚寺

周官大行人秦為典客漢改曰鴻臚鴻臚傳之也傳聲贊道也隋有丞唐有主簿今卿正四品左右少卿從五品左右寺丞從六品首領主簿從八品屬官司儀署司賓署署丞正九品鳴贊序班俱從九品職專朝儀宣贊等事

光祿寺

漢有光祿勳梁改光祿卿今卿從三品少卿正五品寺丞從六品職專膳羞宴饗等事首領典簿從七品錄事從八品屬官大官珍羞良醢掌醢四署署正俱從六品署丞俱從七品監事俱從八品司牲局司牧局大使俱從九品副使俱未入流

太僕寺

洪武初置太僕寺在滁州置北平遼東陝西甘肅高行太僕寺永樂間改北平稱太僕寺正統間定滁州為南

京太僕寺按周官有太僕奉輿漢有丞梁有主簿今卿從三品少卿正四品寺丞正六品職專司牧馬之事首領主簿官從七品常盈庫大使俱未入流太僕寺官品同

尚寶司

漢有符節令位次中丞領上符璽唐武后改為符寶即今卿正五品少卿從五品司丞正六品職專掌璽符牌等事

國子監

國子周制也晉武帝初立國子學隋煬帝改為監正官
名祭酒皆一位之元長古者得主人饌則老者一人舉
酒以祭地故以祭酒為稱周封兄弟同姓成王時彤伯
為祭酒主親屬秦漢因之晉武帝始置國子祭酒國子
博士助教隋煬帝置司業取樂正司業之義亦置監丞
北齊置主簿今祭酒從四品司業正六品總監監丞
正八品博士廳五經博士典簿廳典簿俱從八品典籍
廳典籍從九品掌饌廳掌饌未入流率性脩道誠心正
義崇志廣業六堂助教俱從八品學正二九品本錄從

九品職專教化之事

翰林院

學士之稱始自漢晉而命官起于宋齊唐明皇始置翰
林院及供奉為學士禁中亦有侍講侍讀學士至宋真
宗始置二職于翰林明皇始置史館修撰編修今學士
正五品侍講侍讀學士從五品若領官孔目未入流屬
官侍講侍讀正六品五經博士正八品典籍從八品侍
書正九品侍詔從九品史官修撰從六品編修正七品
檢討從七品職掌制誥史冊文翰尋事廣告士永樂間

選二甲三甲中進士為庶吉士隸本院命學士教之學
業成者二甲除編修三甲除檢討餘除科道部屬

翰林陞用

雙溪雜記云自來陞州六部堂上官不拘出身何衙所
初無內閣禮部必用翰林出身人之例成化弘治以來
吏部必同翰林一人禮部非翰林出身者不得陞入由
是翰林人多陞顯要矣

大學士

學士無大稱唐中宗時以崇寵大臣乃有大學士之名
唐至五代有文明殿大學士為宰相兼職宋真宗寵王
欽若罷政時置資政殿學士班在翰林上今設華蓋殿
武英殿文華殿文淵閣東閣大學士俱正五品班在本
院學士上永樂初簡命編修等官于文淵閣恭預机務
謂之內閣漸陞至學士尋官洪熙元年以輔導任重加
陞至師保及各部尚書侍郎職銜仍兼學士大學士又
添設謹身殿大學士以後或由他官入閣辦事者皆兼
學士大學士唐末有閣門使今閣門使正六品武英殿
承天門右順門侍詔從九品

內閣樞重

項綴錄有云 國朝初不設宰相永樂初年乃設內閣
選翰林院六七品居之職知制誥日昃顧對奏決政机
慮然相職而官不過學士洪濼初始陞孤知皆潛邸舊
人

詹事府

秦官漢因之掌太子家唐始置少詹事一人以貳詹事
今詹事正三品少詹事正四品府丞正六品首領主簿
正七品錄事從九品屬官通事舍人按漢司隸官有功
曹從事史兼錄衆事吏有通事舍人

左右春坊

周太子官有庶子唐始置太子諭德中允贊善漢丞相
府司直今左右庶子俱正五品左方諭德從五品左右
中允正六品左右贊善左右司直即俱從六品左右清
紀即從八品左右司諫從九品

司經局

國語曰句踐為夫差洗馬如淳曰前驅也晉太子詹事
屬官有洗馬八人掌太子圖籍經書漢蘭臺東觀藏書

有校書之職後以郎居其任故謂校書郎元魏始命為
官齊集書省有正書官北齊為正字今洗馬從五品校
書正九品正字從九品凡本府官皆以東宮輔導侍從
為職

中書科

秦始置中書謁者漢元帝去謁者字魏文帝改秘書省
為中書省令為中書令置通事郎後改為中書侍郎隋
文帝中書令與侍中知政事為宰相舍人本周官掌平
宮中之政晉初置中書舍人 國初中書省設置省舍
人後草省為科定中書舍人從七品職專書寫詔勅冊
等事

六科

古諫官秦有諫大夫後漢有諫議大夫唐分為左右武
右置左右補闕拾遺宋太宗改為司諫正言秦漢別有
給事黃門之職後漢有給事黃門侍郎左右給事中以
有事殿中故曰給事中今設吏戶禮兵刑工六科為諫
官每科都給事中正七品左右給事中給事中供從七
品專職叅政糾劾等事

六科廊

國朝六科本與尚寶司相隣今工部委官製表處猶稱
六科廊是也永樂間失火遷出于午門之外今遂為定

居

近侍

景園雜記云翰林院尚書司六科官在前帶朝俱在奉
天門上御座左右侍立故云近侍今在門下御道左右
云是太宗晚年有疾因女官扶持上下因退避居下流
為定位

行人司

周官有行人今設司正正七品左右司副從七品行人
正八品職專切封墓祭宗室及出使外夷等事

太醫院

周有醫師上士下士秦漢古府屬有大醫令丞元置太
醫院有使副判各一員今設院使正五品院判正六品
首領吏目從七品屬官御醫正八品職專診視疾病修
合藥餌等事所屬惠民藥局生藥庫大使副使俱未
入流

欽天監

少昊鳳鳥氏為曆正夏曰大使周禮春官有保章氏夏
官有挈壺氏唐改司天監唐有少監宋置大使正唐有
五官正靈臺即今設監正正五品監副正六品首領主
簿正八品屬官春夏中秋冬官正二六品五官靈臺郎
從七品五官保章正二八品五官提壺正從八品五官
監候五官司曆俱正九品五官司晨漏刻博士俱從九
品職掌曆數天文地理之事

上林苑監

漢武帝始起上林苑隋置宮苑總監唐置宮苑使 國
朝永樂五年置左右監正三五品左右監副正六品左
右監丞正七品首領典簿正九品善育嘉蔬良牧林衛
四署典署正七品署丞正八品錄事正九品職專苑園
蕃牧種柎等事

五城兵馬指揮司

宋以四廂都指揮使巡警京城神宗置勾當左右廂公
事民間謂之都廂今指揮正六品副指揮正七品首領
吏目未入流職專京城巡捕等事

京府

周成王命君陳尹東郊漢武帝更右內史屬京兆尹秦
置郡丞漢設治中一人唐中治事王象曹文唐宋太祖
諸州置通判唐等度事使皆有推官唐高宗有檢校梁
州諸軍事今南京應天府有北京順天府之尹正三品府
丞正四品治中正五品通判正六品推官從六品首領
經歷從七品知事從八品照磨從九品校檢未入流司
獄從九品

所屬衙門

隋有州博士唐德宗改為文學宋神宗于諸大郡府始
置教授一人掌教誨諸生今儒學教授一員從九品訓
導六員未入流都統司宣課司各門稅課司織染局草
場大使俱從九品副使俱未入流各門分司副使倉廩
運所金銀場鐵冶批驗所大使副使俱未入流

京縣

南京上元江寧二縣北京大興宛平二縣知縣正六品
縣丞正七品主簿正八品典史未入流

公侯伯

唐虞韓五端魯有公侯伯子男隋文帝始封功臣為國
公唐代宗以射主軍靖難始賜名室應功臣國初封
功臣爵有五等後草子男其封公侯伯者皆給誥券或
世襲或不世襲以功高下為準

駙馬

駙馬非正駕車者皆為駙馬一日附近也疾也漢武帝
置駙馬都尉以假功臣庶屬晉尚公主署始加之今公
主婚皆祿駙馬都尉賜誥命

五府

晉為都督諸軍事國初置統軍大元帥府改樞密院
又改為大都督府洪武十三年始分中左右前後軍都
督府設左右都督正一品都督同知從一品都督僉事
正二品首領用文職經歷從五品都事正七品各府分
管在京在外衛所職專軍旅之事初以公侯伯為之後
或掌濟事都督僉書軍政所屬都司二十一處苗守司
一處內外衛四百九十一處守禦屯田羣牧千戶所三
百一十一處儀衛司三十三處宣慰司二處招討使司
一處宣撫司六處安撫司十六處長官司七十處番夷

都司衛所等四百七處

禁衛

周有虎賁武衛京師有南北軍掌理禁衛又有羽林郎武帝更秦中尉為執金吾唐置神策神武等軍五代後唐有侍衛親軍禁軍號控鶴年多者號寬衣控鶴來改為天武今在京親軍不屬府者惟錦衣衛旗手旗府軍衛府軍左右前後四衛金吾左右前後四衛羽林左右前三衛燕山左右前三衛虎賁左衛大興左衛濟陽濟川通州三衛共二十二衛後又設騰驤左右武驤左右四衛亦係親軍并武功中左右永清左右彭城長陵景陵顯陵裕陵茂陵俱不屬府

錦衣衛

唐置營幕使兼置儀衛使國初置儀衛使後罷司置衛統軍同諸衛而所隸又有將軍力士校尉人等職掌直駕侍衛巡捕等事其任過漸加視諸衛獨異首領鎮撫司問理本衛刑名成化十四年始增鑄印信各為一司經歷用文職本衛文移出入所屬錦衣中左右前後五所又分鑾輿警蓋扇手旌節儀仗班劍各銀戈戟弓

矢馴馬十司統領校尉掌南簿儀仗及直駕掌人直宿
等事上中左右前後中後親軍七所分管力士軍匠又
馴象所領本衛軍奴養象以備朝會陳列及駕輦馱座
之用

旗手衛

國初置旗手千戶所後陞為衛掌大駕金鼓旗纛統領
隨駕力士及宿衛等事

京衛武學

宋神宗始就武成王廟側建武學如太學儀 國朝京

師建武學儲養京衛幼官與子弟未罷職者設教授一
員從九品訓導六員未入流

南京文武衙門

南京在洪武間為京師自永樂定都于北因名南京文
武官並置在南京：與北京同但加南京二字

南京衙門牌扁

瑣綴錄曰南京文武各衙門俱有牌扁直書衙門之名
惟翰林院三字橫列而兵部獨無相傳洪武間一夕潛
有擊去之者詰且具際上不之省蓋以示去兵之意至

今不敢復揭

官爵志卷之三

十三省承宣布政使司

明 嘉興徐石麒虞求輯

唐有叅知政事宋下宰相一等元尚書省亦置為宰相
之貳行省亦有左右叅政唐高祖有檢校隋改都令史
為都事今左右布政使從二品左右叅政從三品左右
叅議從四品首領經歷司經歷從六品都事從七品照
磨所照磨從八品檢校正九品理問所理問從六品副
理問從七品提控案牘未入流各省所屬庫造織染局

今不敢復揭

官爵志卷之三

十三省承宣布政使司

明 嘉興徐石麒虞求輯

唐有叅知政事宋下宰相一等元尚書省亦置為宰相
之貳行省亦有左右叅政唐高祖有檢校隋改都令史
為都事今左右布政使從二品左右叅政從三品左右
叅議從四品首領經歷司經歷從六品都事從七品照
磨所照磨從八品檢校正九品理問所理問從六品副
理問從七品提控案牘未入流各省所屬庫造織染局

大使副使陝西四川茶馬司洪武初令陝西洮州河州
西寧各設茶馬司收貯官茶每三年一次差右京官選
調邊軍齎捧金牌信符往附近番夷將運去茶馬給與
邊軍騎操大使正九品副使從九品廣西裕民司雲南
滇池魚課司大使副使俱未入流

各府

秦罷侯置守漢景帝更名太守王莽改曰太尹今知府
一員正四品同知正五品通判正六品添設無定員推
官一員正七品首領經歷正八品知事正九品照磨從
九品檢校未入流所屬司獄司一員從九品儒學教授
一員從九品訓導四員未入流陰陽學正術醫學正科
僧綱司都綱道紀司都紀俱從九品副都綱副都紀俱
未入流稅課司分司倉庫局雜造織染局大使俱從九
品副使及茶鹽批驗所茶倉魚課司金銀場局鐵冶所
大使副使俱未入流府州縣巡檢司巡檢從九品水馬
驛丞遞運所大使河泊所官開官壩官俱未入流

各州

唐代宗勅御史有故及闕但令上佐依次知州事隋校

府判官為諸使官屬五代始領郡事為州府職今知州
一員從五品同知從六品判官從七品添設無定員若
不及三十里長有屬縣者裁減同知無屬縣者裁減同
知判官若領吏目一員從九品所屬儒學一正一員訓
導二員陰陽學典術醫學典科僧正司僧正道正司道
正州縣倉稅課局茶課司大使副使俱未入流

各縣

周置四百里為縣官有縣正晉謂之大夫魯衛謂之宰
楚謂之令尹唐大中年裴讓權知縣事定以朝官知縣
秦置令丞後漢有郡主簿亦曰督郵隋諸縣始置堂勾
稽簿籍今知縣正七品縣丞正八品主簿正九品添設
無定員若不及二十里長裁革縣丞主簿首領典史一
員未入流所屬儒學教諭一員訓導二員陰陽學訓術
醫學訓科僧會司僧會道會司道會俱未入流

十三省提刑按察司

唐置十道按察司宋轉運使兼之按察司元各道置提
刑按察使有副使簽書公事為之貳又置經歷知事等
員後改肅政廉訪司今按察使一員正三品副使正四

品倉事正五品添設無定員首領經歷正七品知事正八品照磨正九品檢校從九品司獄司：獄從九品

都轉運鹽使司

唐置江淮處置轉運使後置諸道鹽鐵轉運使多以重臣兼領五代置轉運司唐明皇以崔希逸為轉運副宋太宗置都鹽院太祖以許允言為判官今兩浙兩淮福建山東長蘆河東鹽運司運使從三品同知從四品判官從六品首領經歷從七品知事從八品所屬儒學教授從九品訓導未入流批驗鹽引所鹽課司分司倉庫

大使副使俱未入流

鹽課提舉司

宋熙寧有大都大提舉茶馬事紹興後置提舉茶鹽司元置都提舉同提舉副提舉等員今廣東陝西四川雲南鹽課司提舉從五品同提舉從六品副提舉從七品首領吏目從九品

苑馬寺

今御從三品少卿正四品寺丞正六品首領主簿從七品所屬各監監正七品監副正八品録事未入流苑

園長從九品

衍聖公

宣聖襲封衍聖公孔氏子孫正二品司樂會典籍俱未入流孔顏孟三氏教授從九品學錄未入流

王府長史司

秦置郡丞以佐守在邊為長史掌兵馬今王府左右長史正五品首領典簿正九品所屬審理所審理正六品審理副正七品紀善所紀善正八品典室所典室正八品典室副從八品典膳所後漢有太子食官隋改

為典膳正今王府因之典膳正八品典膳副從八品奉祀所奉祀正八品奉祀副從八品典樂正九品良醫所良醫正八品良醫副從八品工正所工正八品工副從八品典儀所元有太子典儀今王府因之典儀正九品典儀副伴讀教授俱從九品引禮舍人舍庫大使副使俱未入流
郡王府典膳正八品教授從九品

中都留守司

唐明皇太原置尹以為苗守謂之三都苗守蓋車駕不

在京則置留守今晉守正二品副留守正三品首領經歷司經歷正六品都事正七品

各都指揮使司

唐兵志曰僖宗幸蜀以神策大將軍為都指揮使今都指揮使正二品都指揮同知從三品都指揮僉事正三品首領經歷司經歷正六品都事正七品司獄司獄從九品斷事司斷事正六品副斷事正七品吏目未入流庫大使從九品副使軍場大使倉副使俱未入流

各衛

漢武初置衛將軍今一衛隸軍五千六百名指揮使正三品指揮同知從三品指揮僉事正四品衛鎮撫從六品首領經歷司經歷從七品知事正九品所屬千戶所隸軍一千一百二十名正千戶正五品副千戶從五品百戶所隸軍一百一十名百戶正六品每所設總旗二名小旗十名已上武官俱世襲惟首領屬官選除

衛學

國朝軍衛無學宣德十年從兵部尚書徐河之請今天下軍衛獨治一誠者皆立學正統以來天下軍衛延至

邊徼邊學設教授訓導品秩俸祿如府學之制

鎮戍

唐制緣邊戎寇之地則加以旌節謂之節度使武德初
近要之地亦置總管以統軍 國朝凡天下要害處所
專設官統兵鎮戍總鎮一方者曰鎮守獨守一路者曰
分守獨守一城一堡者曰守備有與主將同處一城者
曰協守又有倭倭提督提調巡視等官其官稱掛印專
制者曰總兵次日副總兵曰叅將曰遊擊將軍俱于公
侯伯都督都指揮等官內推與克任

土官宣慰使司

唐以藩方不靖遣重臣宣諭慰安之故有宣慰使之名
今宣慰使從三品同知正四品副使從四品僉事正五
品首領經歷司經歷從七品都事正八品儒學教授從
九品訓導未入流宣撫司學同

宣撫使司

唐有宣撫使宋不常置有軍旅大事則命執政大臣為
之今宣撫從四品同知從五品副使從五品僉事正六
品首領經歷司經歷從八品知事正九品

招討使司

唐有招討使用兵權置後以節度使兼之元有招討使副招討今招討從五品招討副正六品首領吏目從九品經歷從七品

安撫司

隋有安撫大使唐以節度使兼之宣德置副使今安撫從五品同知正六品副使從六品僉事正七品首領吏目從九品

長官司

長官正六品副長官從六品吏目教諭訓導俱為未入流

蠻夷長官司

長官正七品副長官從七品已上上官俱世襲惟首領屬官選除

吏員

文獻通考曰西漢開儒吏二途以取人未為抑揚輕重自後判為兩途儒詎吏為俗吏請儒為迂故拘謏不通者一歸之儒放蕩無耻者一歸之吏而二途皆不足以

得人矣

六房

唐張說為相改政事堂號中書門下列五房于後一曰
吏房二曰樞機三曰兵房四曰戶房五曰刑房禮旁分
以曹官主衆務焉 國朝各衙門立吏戶禮兵刑工六
房吏典書辦文移

吏員出身品級

通典曰今史漢官也晉中書有主書之員齊為主書令
史後魏于尚書諸司置主事令史又尚書有都令史宋

太祖知堂吏擅中書事權多為奸贓故選授用正人神
宗行官制除堂後堂之名于門下省中書省置錄事而
已 國朝一品二品衙門提控都吏通吏出身從七品
一品二品衙門掾吏令史典吏出身正八品內府門吏
出身正八品三品衙門令史胥吏書吏出身從八品三
品衙門典吏四品衙門令史出身正九品四品衙門典
吏五品衙門司吏典吏巡按書吏各道書吏出身從九
品六品七品八品九品并雜職衙門吏典都察院各道
典吏俱出身雜職